



Communicaziun a las medias

Premiera da film: «Hampi Cadonau - Il Punk Pur»

Cuir, ils 28-10-2019 – Radiotelevision Svizra Rumantscha (RTR) envida a la premiera dal film da Casper Nicca «Hampi Cadonau – Il Punk Pur». Il film raquinta da la vita nunconvenzionala da Hanspeter Cadonau, oriund da Vuorz. La premiera ha lieu gievgia, ils 31 d'october 2019 a las 20:00 en halla da gimnastica a Vuorz.

Cadonau fa vin. Vin rumantsch, cun nums sco «Gion Gialet», «Il Cardun» ubain «La Randulina». E quai a Quinten, da l'autra vart dal Lai Rivaun. En la pitschna vischnanca, che ins cuntanscha mo cun la bartga. Ma enfin che Hanspeter Cadonau è rivà a Quinten èsi stà in lung viadi.

In Rumantsch nunconvenzional

Hampi Cadonau, che sa numna sez gugent in «punk», è stà lavurer da gaud, ustier en il Portugal e blers onns construer da tunnels sin l'entir mund. Ussa ha el chattà ses port en l'idilla sper il lai. Dentant bler pli ruassaivla n'è sia vita betg vegnida. Casper Nicca, redactor Telesguard, ha accumpagnà cun la camera il viticultur oriund da Vuorz durant in onn, ed ha uschia survegnì ina invista en ina vita nunconvenzionala dad in Rumantsch.

Cuntrasts: «Hampi Cadonau - Il Punk Pur»

dumengia, ils 03-11-2019, 17:25 sin SRF 1 (cun sottitels tudestgs) ubain sin rtr.ch/play

Dapli infurmaziuns

Radiotelevision Svizra Rumantscha, Via da Masans 2, 7000 Cuir
Diana Jörg Spescha, referendaria communicaziun e marketing, tel. 081 255 76 29, diana.joerg@rtr.ch

Foto
RTR